

## ADMINISTRACIÓN LOCAL

### MUNICIPAL

#### MELIDE

*Aprobación da modificación dos artigos 4 e 5 da ordenanza número 28.2 reguladora dos prezos públicos Campamento urbano do Concello de Melide*

#### EDICTO

Unha vez aprobado pola Xunta de Goberno Local de data 15/05/2025 a modificación dos artigos 4 e 5 da Ordenanza número 28.2 reguladora dos prezos públicos Campamento Urbano do Concello de Melide, acórdase a súa publicación para xeral coñecemento, quedando redactada a dita modificación nos seguintes termos:

#### ARTIGO 4.- Tarifa.

Nos campamentos de verán será necesario a inscrición por quendas enteiras, non sendo posible a inscrición por días soltos.

O prezo público será de 20 euros/semanais para cada neno/a.

Aqueles familias, con dous ou máis membros inscritos no campamento urbano, terán unha bonificación do 50% na tarifa de cada membro inscrito a partir do segundo.

Aqueles nenos e nenas de familias con baixos ingresos no Concello de Melide, gozarán dunha bonificación do 100% cando o total dos ingresos da unidade familiar non superen o importe correspondente da RISGA. Deberán presentar no momento da inscrición un informe do/a traballador/a social do Concello de Melide que así o confirme. Para a admisión da praza seguirase o mesmo procedemento que no resto das solicitudes.

#### ARTIGO 5.- Normas de xestión.

1.- O Concello de Melide aprobará mediante Decreto da alcaldía a duración do campamento urbano, as quendas, o número máximo de participantes así como o prazo de inscrición.

2.- As persoas interesadas en participar no campamento urbano deberán solicitalo previamente, presentando a correspondente inscrición no rexistro de entrada no concello no prazo de inscrición aprobado inicialmente. Unha vez rematado o prazo de inscrición, non se poderá facer ningunha modificación, estando o usuario obrigado a facer o pago polas quendas concedidas.

A admisión de participantes farase tendo en conta os seguintes criterios:

1º) A orde de entrada de solicitudes no Rexistro do concello.

2º) No caso de haber máis solicitudes que prazas ofertadas, terán prioridade os/as solicitantes empadroados/as no Concello de Melide.

3º) No caso de que cos nenos e nenas empadroados en Melide se cubran todas as prazas, terán prioridade os fillos/as empadroados/as en Melide cuxos proxenitores acrediten que están traballando durante o período dos campamentos (cabeceira da nómina, contrato de traballo ou informe de vida laboral, e certificado de familia monoparental (de ser o caso). No caso de que non se acredite, non se terá en conta este criterio de valoración.

3.- Procederá á devolución do prezo público a aqueles inscritos que queden sen praza en algunha ou todas as quendas solicitadas.

Melide, 15 de maio de 2025

O alcalde,

José Manuel Pérez Penas

Documento asinado electronicamente.